

《續修四庫全書》編纂委員會編

續修四庫全書

上海古籍出版社

四九二・史部・詔令奏議類

周忠毅公奏議四卷

〔明〕周宗建撰

附一卷

〔明〕周廷祚編撰

宜焚全稿十八卷

〔明〕祁彪佳撰

2650/02

周忠毅公奏議

附誌表碑傳行實

序

國運昌經濟見節義
隱非無節義也國運
晦節義見經濟隱亦
非無經濟也國運繇

序一

晦而復昌則經濟節
義俱見而無隱已事
之所敷陳卓植皆足
以資現在之鑒而被
其幹旋營幹者甚大

而一代之文章亦已
出乎其間夫文章出
乎經濟節義之間而
二者之傳乃皆稽於
文章則莫若古今名

序二

臣之奏議焉矣三代
尚已漢之子駿唐之
宣公宋之文忠斯非
其表表者乎顧或值
外戚之履霜或逢懷

主之桷鑿或遭執政
之水火而竇壬之矛
石方其時惓惓蓋蓋
委折反覆身之貶逐
顛隳俱置弗恤雖當

序三

前不用逝乃追思然
以今觀古爾日之默
賴維護政亦不少迨
我
二祖

列宗培養人才源深流
長其魚水諧而經術
信恢懋勲業載之史
牘者固指不勝屈迺
當二正之季闔氛煽

序四

毒一時批鱗投鼠白
簡飛六月之霜驅鱗
馴鳥赤手挽九淵之
日者蓋亦後先責望
於策也支撐媧石盪

洸出霧於節義豈少
賴焉雖然國家之受
闔孽也當二正年間
猶南牙北門勢若冰
炭以故其時君子或

序五

直以挾或婉以披如
永於瑾反用其侔矣
卒未有如
熹廟時逆璫之燄烈者
王聖宋娥宮闈璫也

斜封口勅綸閣璫也
析圭分茅稱周頌召
監碣建祠則自

朝廷以及天下皆璫也
隨之升霄逆之墜淵

序六

而忠毅先生埋輪伏
蒲橫罹其鋒身爲齋
粉酷矣奇矣開元幸
承乏松陵獲造乎先
生之鄉而瞻謁高風

序七

搜其生平補牘并其
一時方略嘉猷而莊
讀之有嚴若鉞者焉
有赤若肝者焉有白
若雪者焉有觀若火
者焉有揭若日者焉
是蓋我

祖宗培養之人以詒之
後而先生亦旋遭遇
聖明忠顯良遂鮫室之

淚成珠共珍明月匣
中之血化碧轉蔚青
霞而後乃今

國運正以暫晦而益見
其昌則先生之奏議

序八


具在其光色未之少
蝕且以資今日之經
濟大有造矣文章云
乎哉節義云乎哉爰
付之梓以彰

昭代人才超越漢唐宋
萬萬蓋唐虞三代於
斯爲盛矣

賜進士第吏科給事中

序九

前知吳江縣事楚後
學熊開元謹題



序

先帝朝余與忠毅公縱橫對直無他
微逐也時魏客竊王鈇奉者抵其
熾微言中影譙謫游加至指斥闕
名披抉交關則自公始而余亦後

序一

先之於是請

名對立剖以鬻重稿

上傳會看以張籍舉朝廩二代虞不

測矣

講筵申救稍霽

天威公僅罹薄罰而余與沆全舍且

獲從寬政蓋幾幸異數焉既余捧

節出公益發舒言事畏筆端者益甚

久之始以巡方行而余兩人里居

遼隔皆在裏經中矣踰年衆正屈

序二

虎翼張

國靈移

詔獄起緹騎相望於東南拷掠駢斃

於北司謂大辟有完膚也而誣賅

酷索創必不可忍之殘具以立盡

人之筋骸謂籍沒有完邪也而懸
坐株連毒必不能生之家拏以立
盡人之喉類公則始就外評繼以
逮入即余碌碌萬不敢當公姑徵
末減亦始削籍繼坐萬餘贓乃公
序三

竟擄死而余在鼎後大索中得緩
須臾以逢

今上解澤材不材有幸不幸遂若斯
乎余再過錢塘田畯芸鑒皆能言
公為今時事其最齷齪公者亦心

服其廉平即白簡霜生如今刻中
所載非不洞心刺骨折角殞牙然
尚未有破柱署尸密謀誅戮之怨
且姦黨未輻輳時雖遂闔於公猶
濡忍無所加而後何渠若許無亦
序四

驅除擁戴侯王媼相直欲超而上
之此

國家一大劫數為漢唐所未有非關
公一人亦非關公一流人耶雖然
余等在而若輩猶若少需直俟莫

夷盡而後為所欲為何況於公則
繫二三年如綫之

社稷以奉

新皇皆公一流人力萬世而後必有
以余為知言者許大氣魄許大事

序五

功天實若之天實成之何有於已
致之身何有於原不足却顧之家
獨是以公等之身家釀成姦黨之
浩穰鋌而走險或化為中行說正
全甚則欲為可知而不可言之事

今已有左驗矣且又以公等之身
家銷盡士氣之剛大虎豹輕於在
山鳴鳳瘖於在廷似戒心公等徒
旁睨目懾而處鐔袖手噤不敢聲
嗟乎慟哉余烽火司門驚魂未定

序六

適以使事過公里廟貌方新舟首
相值不知涕之何從而其長君以
所刻諫州示輒拭淚而作此苦語
若夫公之節義在文章聲名在
褒綸在

國史寧俟余言況以

國事成名節一腔熱血徒灑黃壚千

古精英袒領憑弔於公始願滋感

更何有於茲刺特後人慟極之思

聊以是寄焉則可耳

序七

賜同進士出身中憲大夫太常寺少

卿前吏兵科都給事中侍

經筵星沙友弟劉弘化頓首撰



周忠毅公奏議目錄

卷之一

爲四先生請謚疏

鑒往持平疏

請修實錄疏

請恤東南加派疏

請興文令卹典疏

按楚陞辭明用人以佐銓政疏

請更置邊方有司疏

周忠毅公奏議目錄

查刷事竣條議裁革疏

裁革各官儒食卓疏

白祖冤疏

附請謚揭

請謚公揭

爲趙文毅公公揭

卷之二

歷陳陰象首劾逆璫魏進忠疏

請斥逆璫魏進忠并郭鞏交通設陷疏

冉申魏進忠郭鞏交通疏

首劾客氏疏

請罷大璫劉朝典兵行邊疏

參大璫王體乾疏

附申明郭鞏交通設陷揭

卷之三

請與鄒馮兩總憲並去疏

申救文鄭兩史官疏

申救賈張高三御史疏

周忠毅公奏議

目錄

中明法守參范得志并救徐驗封疏

糾郭鞏疏

駁徐世葉疏

參張我續疏

參張我續申救劉太僕疏

糾本兵崔景榮疏

論魏掌科救土僉院疏

再論魏掌科疏

題明經撫罪案疏

卷之四

論收天下大勢疏

酌裁兵餉疏

酌議遼餉疏

議恢復河東疏

請接應榆關疏

論遼事在用人疏

論遼事責成輔臣疏

請備城守器具疏

周忠毅公奏議

目錄

請救廣寧疏

請設捕奸專官疏

論河西奏報不的疏

設防天津登萊疏

崇實効疏

嚴奸細疏

舉將官疏

請恤遼亡將士疏

巡視捉獲強賊疏

巡視捉獲地方強賊疏

附戰守議

欵虜議

周忠毅公奏議

目錄

四

周忠毅公奏議卷之一

楚後
元較

男
廷祚訂

請四先生易名疏

候補御史臣周宗建謹

題為直抒公論闡發真忠仰祈

勅議易名以光謚典事臣聞人臣事君義取致身明

主擇臣無先謙直臣間以此評次古今貞臣烈

士或絕脰以鳴忠或剖心而見志或袒刃而進

周忠毅公奏議

卷之一

說或就烹而陳詞未嘗不掩卷太息低徊想慕

惟恐其名之不彰讚歎之不盡豈謂世實有如

此人顧忍使其名湮氏沒淪落於冷煙寒莽之

墟沉埋於敗墨殘函之內使貞魂寂寞化碧棲

燐而肥身保妻子之輩反得起而倣以一日浮

榮笑其百年共盡此豈宜見於激勵大行之日

聖明臨御之初者哉臣幸遭逢

聖世目擊新政凡先年披鱗灑血諸臣多蒙

簡畀近荷

皇上復允禮臣之請一朝予謚者四十餘人凡在臣
子無不灑然易慮欣欣然有不得爲忠之恐而
臣顧猶有言者在已謚諸臣品旣定于沒世名
令享于千年議者綦難受者無愧獨間有未經
廷議者非名空於子姓之彫殘卽論格於好惡之
未察或事散諸編而不及攷或時經易代而未
及詳將使一段精忠無人齒及

聖朝盛典掛漏不光臣實痛之惜之臣未暇遠引姑
就臣考據最真耳目最著平日耿耿胸中而不

周忠毅公奏議

卷之一

能自己者若臣鄉先臣太僕寺卿顧存仁中嘉
靖壬辰進士授餘姚令以異等拜禮科給事中
十五年丙申蜀藩與閩司計奏興大獄
特簡存仁往按存仁爲持平各以不寃

朝論遘之十七年戊戌疏上

肅皇帝爲廣曠蕩抑邪佞五事申救楊慎馬錄呂經
馮恩諸臣指斥吳璋葉凝素邵真入等

肅皇帝震怒廷杖六十編管保安州爲民臣嘗攷故
實傳其草疏之夕鴉啼戶上鬼嘯榻前禍將巨

測竟不顧其被杖時已死有神人挾之亡得
更甦而褰剝至戌所爲流人者幾三十年築室
孤居布冠首履授經終歲間以所得發之詩詠
忠厚腴剛絕無慙心至今關外有上谷書院所
著有六哀五幸四欲五憶諸篇可考也

莊皇帝卽位下詔召諸言事者有仁起爲通政司叅
議歷太僕寺卿益自努力於馬政諸弊搜釐殆
盡所修太僕寺誌見在問寺時海內嚮注直臣
宰相且以大用示存仁而存仁誓不受指遂自

周忠毅公奏議

卷之一

請老都人士傾都送之擬之二疏既老家居每
朔望必朝服望闕拜示不忘

君又家故薄產獨置田六百畝贍族又以田三百畝
贍諸貧生又以田百畝建介石書院祠子游終
日引諸生講讀其中勉以忠孝大義尤好談性
命時時與羅洪先唐順之輩往復商論其在塞
上有夜坐諸篇傳行于世旣以病卒家無餘資
至不能具喪塋而今且子孫單弱抔土荒涼忠
義之魂長淪淪草嗟蓋臣艘士何代蔑有要

以或激于名或矜于氣計其所暨尚足不朽矧如存仁一生砥礪萬行繇衷其爲令則有茹木之守其立

朝則有碎首之危絕漠大荒則有絃歌誦讀之娛長組玄纁則有懸車急退之勇自起家至九卿全節完名無片疵之可摘里有賢祠官留名宦有臣如此顧乃不得一被易名之榮徒使人追弔咨嗟聞風增感謂

聖世實有未暢之孤忠

周忠毅公奏議

卷之一

四

皇家實有未揚之盛典此臣所爲拊心橫涕而不能已於長吁者也方今正直登

朝如鄒元標王德完諸人剖血當年

賜環今日一時義激天地爲開有如存仁生當此時倘亦元標德完諸人之所甘爲讓席者也

皇上能錄生者于今豈獨難卹死者于往不惜魏匏大纓褒直臣于巉巖久錮之餘豈獨靳片字單詞揚忠魂於蓋棺論定之後尋崖望壑激濁揚清臣所望于

聖明者久矣若此外應謚之臣如先臣光祿少卿顧

憲成理探的派忠貫青霄文章氣節之俱全淑

世修身之無忝先臣國子監祭酒陶望齡素心

遠韻勁節孤標歷仕同遽瑗之明乞身有陽城

之孝先臣南刑部尚書王世貞文空百代氣盛

千秋標持無媿于古人著述有功於當世之三

臣者品各不同竝堪不朽卽有疑憲成者或訾

其門風太廣而臣謂受小人之欺者原無傷君

子之品疑望齡者或訾其宗風太冷而臣謂當

周忠毅公奏議

卷之一

五

此附熱投炎之世何可無此餐霞飲露之人疑

世貞者或訾其終多後來一出而臣謂繇殛禹

興聖賢家法仇君避世臣子難容觀人者當觀

其大論世者須論其真如必苛求毛舉一一以

俗法繩之則必周公孔子而後可入謚林卽周

公孔子恐亦難免于俗議

聖世錄人不應若是之太刻也臣聞謚者先王之所爲名教也

皇上以名教扶天下而臣之所舉皆有裨名教之人

在存仁名字久湮松楸將老臣故言之獨詳若
憲成三臣氣韻尚新見聞未遠故臣不妨大略
言之伏乞

皇上勅下禮部如果臣言不欺將顧存仁等應得謚
名從公議覆俾得與四十餘臣共邀盛舉則諸
臣身雖往而忠膽如生骨雖冷而香名常在臣
工師濟豈無慕諸臣而爭起者

皇上卽借諸臣以鼓舞天下之効忠者有餘術矣臣
無任惶悚待

周忠毅公奏議

卷之一

六

命之至

天啓元年正月十二日具題十四日奉

聖旨禮部知道

鑒往持平疏

福建道監察御史臣周宗建謹

題爲直窮數案小人之變借爲今日持議之銜請
勅諸臣各捐習見共砥身名以襄盛治事臣嘗槩觀
往昔冲主之朝紀綱未整議論多紛嘗恨其時
不得一挺立不回之臣爲斬其藤擾破其成心
以至君子小人兩歸銷盡如有宋熙寧紹聖故
事今日者幸得身事

聖主倘不以素所盟心者仰報

周忠毅公奏議

卷之一

七

君父而猶拾涎取唾甘負

明時臣之大耻孰過於斯故臣不敢以時之所喜
道者爲獻而願平心爲我

皇上陳之臣聞國家之治治繇公論而公論多出於
光明正大之途國家之亂亂繇偏論而偏論多
起於紛紜幽隱之路一出光明則敷陳了達無
所不折而一涉幽隱則揣摩懸度構鬪轉深此
于老成之主猶恐眩惑矧當變態幾更之後適
聖主冲幼之年顧可潛滋暗伏以貽一後來不了之